

## Aðalfundur Sæljóns, félags smábátæigenda á Akranesi haldinn 19. september 2019

Tillögur til 35. aðalfundar LS 17. og 18. október 2019

### Strandveiðar

Aðalfundur Sæljóns lýsir yfir ánægju með framkvæmd strandveiða á nýliðnu tímabili og skorar á stjórnvöld að í breyttu kerfi strandveiða verði eftirfarandi breytingar gerðar:

1. Hver bátur fái heimild til að veiða 48 daga á strandveiðum ár hvert. Hverjum bát er heimilt að róa að hámarki 12 daga í mánuði frá 15. apríl til 15. september. Hámarksafli á dag verði óbreyttur. Heimilt er að róa á öllum dögum vikunnar nema föstudögum og laugardögum.

### Greinargerð

Mikil umræða hefur verið um öryggi við sjósókn og ber að fagna mikilsverðum árangri í fækkun slysa. En betur má ef duga skal og með því að rýmka það tímabil sem strandveiðar eru stundaðar ár hvert, - veiðarnar hefjist 15. apríl og ljúki 15. september. Aukið svigrúm mun tvímælalaust bæta öryggi við sjósókn og leiða einnig til meiri hagkvæmni veiða og vinnslu.

2. Undanþága á veiðiskyldu í alvarlegum veikindum

Aðalfundur Sæljóns ályktar að Landssamband smábátæigenda óski eftir því að sjávarútvegsráðherra fái heimildir til að geta veitt undanþágu á veiðiskyldu þeirra aðila sem lenda í alvarlegum veikindum eða óhöppum.

3. Sérstakt veiðileyfagjald strandveiða

Aðalfundur Sæljóns skorar á stjórnvöld að fella niður sérstakt gjald á virkjun veiðileyfa við strandveiðar. Afkoma veiðanna býður ekki upp á að þær séu skattlagðar sértaklega umfram gjöld til annarra veiða.

### Greinargerð

Þetta sérstaka gjald hefur verið lagt á frá upphafi strandveiða. Spurningar vöknudu strax og efasemdir um rættmæti slíkrar gjaldtöku umfram aðrar veiðar.

Því er það orðið löngu tímabært að t.d. stjórn Landssambands smábátæigenda krefjist þess af stjórnvöldum að tekin verði saman nákvæm greinargerð um

Það hvernig þessum fjármunum hefur verið ráðstafað, en ætla má að búið sé að greiða hátt í 300 milljónir í þessa sérstöku gjaldtöku.

4. Aðalfundur Sæljóns mótmælir harðlega öllum hugmyndum um lokun svæða fyrir handfæraveiðum eins og fram koma í skýrslu starfshóps um „faglega“ endurskoðun varðandi notkun veiðarfæra, veiðisvæða og verndunarsvæða á Íslandsmiðum.

#### Hrygningarstopp

5. Aðalfundur Sæljóns samþykkir að handfæraveiðar verði undanþegnar hrygningarstoppi.

#### Grásleppuveiðar

6. Aðalfundur Sæljóns mótmælir harðlega enn og aftur þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps. Fundurinn krefst þess að 4. málsgrein 9. greinar í reglugerð um hrognkelsveiðar nr. 202 frá 4. mars 2016 verði tafalaust felld úr gildi.

#### Greinargerð

Fjórir æðarbændur nýta varp á litlum hluta þessa svæðis en hafa náð með „lobbýisma“ að koma þessu banni í gegn. Benda má á að athugun fór fram á fjölda æðarfugla sem komu í net, en þessi athugun var framkvæmd af sérstökum eftirlitsaðila utan þeirrar skráningar sem grásleppusjómenn sjálfir skrá. Fundurinn telur að skoða þyrfti breytingar á skipulagi grásleppuveiða er gengu út á það að öll landsvæði byrjuðu veiðar á sama tíma. Þá telur fundurinn að Landsamband smábátaeigenda eigi að þrýsta á að hrognakaupendur gefi út verð sín viku áður að vertíð hefjist.

7. Áform um kvótasetningu grásleppuveiða

Aðalfundur Sæljóns leggst gegn áformum stjórnvalda um að kvótasetja veiðar á grásleppu. Ljóst er að við kvótasetningu veiðanna munu aflaheimildir færast á færri hendur og nýliðun við veiðarnar mun verða erfiðari en nokkru sinni fyrr.

8. Skipulag grásleppuveiða

Aðalfundur Sæljóns leggur eindregð til að breytingar verði gerðar á skipulagi grásleppuveiða: Bátar eigi kost á að taka upp net í brælutíð án þess að dagafjöldi þeirra til veiða verði skertur.

## Humarveiðar í gildrum samhliða þróun á veiðum, vinnslu og markaðssetningu grjótkrabba

9. Aðalfundur Sæljóns vill kanna möguleika þess að heimila humarveiðar í gildrum í Faxaflóa samhliða veiðileyfi á grjótkrabba. Einnig skorar fundurinn á stjórnvöld að huga alvarlega að skaðsemi trollveiða á humri á lífríki sjávar. Út frá rannsóknum á skaðsemi trollveiða liggur það í augum uppi að ekki verði hægt að bjóða náttúrunni upp á slíkar aðfarir til lengdar. Humarveiðar í gildrum lágmarka áhrif á lífríki hafsins og auka nýtingu auðlindarinnar til muna.

### Greinargerð

Grjótkrabbi er ný nytjategund innan veiðilögsögu Íslands og finnst hann nú í miklu magni í Faxaflóa. Ljóst er þó að löng og kostnaðarsöm þróunarvinna er framundan í veiðum,

vinnslu og markaðssetningu á grjótkrabba áður en nýting á honum verði arðbær. Ómögulegt er fyrir smábátaeigendur að standa straum af kostnaði við slíka þróunarvinnu.

Með því að heimila humarveiðar í gildrum upp að vissu marki samhliða veiðum á grjótkrabba væri hægt að dekkja hluta þess kostnaðar og hvetja útgerðarmenn til frekari

þróunarvinnu við nýtingu á grjótkrabba, sem í framtíðinni yrðu sjálfbærar og umhverfisvænar veiðar.

## Handfæraívilnun

10. Aðalfundur Sæljóns samþykkir að sett verði sérstök handfæraívilnun á krókaaflamarks- og aflamarksbáta undir 30 tonnum.

## Lækkun línuívilnunar

11. Aðalfundur Sæljóns mótmælir harðlega ákvörðun sjávarútvegsráðherra að lækka aflaviðmiðun til línuívilnunar.

## Línuívilnun dagróðrabáta

12. Aðalfundur Sæljóns samþykkir að línuívilnun nái til allra dagróðrabáta undir 30 tonnum sem róa með landbeitta línu, trekt og vélabeitningu.

## Bann við veiðar í dragnót

13. Aðalfundur Sæljóns leggur til að veiðar með dragnót í Faxaflóa verði bannaðar innan línu úr Garðskaga í Malarrif.

### Frjálsar makrílveiðar

14. Aðalfundur Sæljóns leggur til að makrílveiðar verði gefnar frjálsar og reglugerð sem gefin var út fyrir fjórum árum verði felld úr gildi, heildarúthlutun verði 16%.

### Hvítlúða

15. Aðalfundur Sæljóns vill leyfa löndun á hvítlúðu sem meðafla við krókaveiðar. Um andvirði aflans skal fara með eins og andvirði annars afla.

### Afla- og krókaafلامark

16. Aðalfundur Sæljóns hafnar öllum hugmyndum um sameiningu aflamarks- og krókaafلامarks.

### Umhverfisáhrif veiðarfæra

17. Aðalfundur Sæljóns skorar á umhverfisráðherra, Guðmund Inga Guðbrandsson, að beita sér fyrir því að gert verði umhverfismat á áhrifum veiðarfæra sem heimilt er nota á Íslandsmiðum á sjávarbotn og lífríki sjávar.